

太古集序

先師廣甯全道太古真人郝君遇師於甯海傳衣於崑崙神人授之以易大安錫之以號略見於內翰馮公之序不復容聲惟是平居製作若三教入易論一卷示教直言一卷解心經救苦經各一卷太古集一十五卷內周易參同契簡要釋義一卷師西來日真定諸人已攻木行於代歸老之後又多所撰述至於舊集所傳時有改定世俗抄錄往往訛舛欲改新之蓋未暇也竊惟先師之道獨得於曠代不傳之妙粹之以易象廣之以禪悅精微宏廓遺世獨立法言遺論人所願見乃今曾魚莫辨真偽交雜疑惑後學在於門人弟子實在其責圓曦不敏蒙賴道

道藏輯要

太古集序

四

胃集八

蔭今得灑掃東原之正一居多暇日謹以師後來所正及世所未見者點校精審按爲定本刻而傳之敢以蕪辭冠之篇首夫至人達觀物無不可故辭旨所發務以明理爲宗非必駢四驪六抽青配白如世之業文者以聲律意度相夸耳在禪學則曰麤言及細語皆成第一義在孔門則曰辭達而已矣又曰以意逆志爲得之矣學者不志於道而惟華采是求豈爲道曰損損之又損之道乎向上諸師間師一言一句卽以神仙許之至待爲方外眷屬生平教督嚴厲斥公足爲玄門之臨濟使今而尙存必能高提正令坐斷大千雖獅子象王且知斂避狐狸野犴吾知其不能羣矣倒景滅沒可勝浩歎雖然師之書故在也試

取而讀之意必有目直而不能視口喏而不能言者矣歲次丙申長至日崑崙野服嗣教范圓曦謹序

道藏輯要

太古集序

五

胃集八
八十一

正一天師清微弟子共百堅製作

道教學術資訊網站

